



15. oktober 2018

UKA2018/187

**Uunga siunnersuut: Imaani avatangiisit illersorneqarnissaat pillugu Inatsisartut inatsisaata allangiortinneqarnera pillugu Inatsisartut Inatsisaat nr. xx, xx. Xxx 2018-meersoq.**

**Siullermeerneqarnera.**

(Aleqa Hammond, Nunatta Qitornai)

Avatangiisit allangutsaaliorneqarnissaat pillugu Inatsisartut Inatsisaat naapertorlugu aalangiinerit Avatangiisit Innarlitsaaliorneqarnissaat pillugit Naammangitsaalliuuteqartarfimmut naammangittaalliuutigineqarsinnaapput tamannalu naammangittaalliuuteqartarfik pingasunik ilaasortaartinneqartarpoq. Ilaasortaatinneqartut Naalakkersuisut Inatsisartunit inassuteqarneq malillugu siulittaasumik, kiisalu ilaasortanik marlunnik toqqaasarput, taakkunannga ataaseq maannamut Kalaallit Nunaanni kommunit Kattuffiannit KANUKOKA-mit inassutigineqartarsimalluni.

Maanna juulip naaneraniit ukioq mannamiit KANUKOKA aotrunnaarsinneqarnerata kingunerisaanik tassannga ilaasortassamik inassuteqartoqarsinnaajunnaarmat siunnersuutigineqarpoq kommunit ataatsimoorlutik ilaasortassamik sinniisussamillu inassuteqartassasut, taamaasilluni Avatangiisit Innarlitsaaliorneqarnissaat pillugit Naammangittaalliuuteqartarfimmi ilaasortasamik inassuteqarnikkut peqataatitsisinnaaneq qulakkeerneaqqullugu.

Inatsisissatut siunnersuut taparserparput inassutigalugulu ataatsimiititaliamut ingerlateqqinneqassasoq.